



Na osnovu člana 15. Zakona o Upravi za indirektno oporezivanje ("Službeni glasnik Bosne i Hercegovine", broj 89/05), člana 61. stav 2. Zakona o upravi ("Službeni glasnik Bosne i Hercegovine", broj 32/02) i člana 57. Zakona o carinskoj politici Bosne i Hercegovine ("Službeni glasnik Bosne i Hercegovine", broj: 57/04 i 51/06), direktor Uprave za indirektno oporezivanje d o n o s i

U P U T S T V O

O ODREĐIVANJU CARINSKIH REFERATA NA GRANIČNIM PRIJELAZIMA U KOJIMA SE MOŽE PROVODITI CARINSKI POSTUPAK STAVLJANJA ROBE U SLOBODAN PROMET, VRSTE ROBA I NAČIN PROVEDBE POSTUPKA

GLAVA I - OPĆE ODREDBE

Član 1. (Predmet)

Ovim uputstvom određuju se carinski referati na graničnim prijelazima u Bosni i Hercegovini u kojima se može provoditi carinski postupak stavljanja robe u slobodan promet (u daljnjem tekstu: carinski postupak), vrste roba koje mogu biti stavljene u carinski postupak i druga pitanja u vezi tog postupka.

Član 2. (Carinski referati)

Carinski postupak provodit će Carinski referati na graničnim prijelazima u Bosni i Hercegovini i to: Pavlovića Most, Brčko, Gorica, Kamensko i Doljani.

Član 3. (Vrste roba)

(1) U carinski postupak mogu biti stavljene robe iz tarifne oznake, odnosno tarifnog broja Carinske tarife Bosne i Hercegovine i to:

a) Građevinski materijal, kako slijedi:

1) živi kreč (kreč negašen)	2522 10 00 00
2) gašeni kreč	2522 20 00 00
3) hidraulični kreč	2522 30 00 00
4) cement u obliku klikera	2523 10 00 00
5) portland cementni kliker	ex 2523 10 00 10
6) portland cement bijeli, vještački obojeni ili ne	2523 21 00 00
7) portland cement, ostali	2523 29 00 00
8) portland cement bez dodataka	ex 2523 29 00 10
9) aluminatni cement	2523 30 00 00
10) aluminatni cement sa sadržajem Al ₂ O ₃ većim od 50%	ex 2523 30 00 10
11) cement za visoke peći	2523 90 10 00
12) ostali hidraulični cement, ostali	2523 90 80 00
13) prirodni pijesak, silikatni i kvarcni	2505 10 00 00
14) prirodni pijesak, ostali	2505 90 00 00
15) koks i polukoks od kamenog uglja za proizvodnju elektroda	2704 00 11 00
16) koks i polukoks od kamenog uglja, ostali (EZUČ)	2704 00 19 00
17) koks i polukoks od mrkog uglja ((EZUČ)	2704 00 30 00
18) koks i polukoks od mrkog od treseta i retorni ugalj, ostali	2704 00 90 00
19) proizvodi od cementa, betona ili vještačkog kamena, armirani ili nearmirani, crijep	6810 19 10 00
20) azbestno-cementni proizvodi, talasaste ploče	6811 10 00 00
21) azbestno-cementni proizvodi, ploče za krovove ili zidove, ne veće od 40x60 cm	6811 20 11 00
22) blokovi i cigle, građevinski, od lakog betona	6810 11 10 00
23) blokovi i cigle, građevinski, ostali	6810 11 90 00
24) keramičke zidarske opeke	6904 10 00 00
25) keramički blokovi, ostalo	6904 90 00 00
26) keramički crijep	6905 10 00 00

b) Žitarice, kako slijedi:

1) pšenica, osim za sjetvu	1001
2) raž, osim za sjetvu	1002
3) ječam, osim za sjetvu	1003
4) ovas, osim za sjetvu	1004
5) kukuruz, osim za sjetvu i za preradu za proizvode koji se upotrebljavaju za ishranu životinja	1005
6) soja u zrnu, osim za sjetvu	1201
7) laneno sjeme, osim za sjetvu	1204
8) suncokretovo sjeme, osim za sjetvu	1206
9) šećerna repa	1212 91

(2) Roba iz stava (1) tačka b) ovog člana može biti stavljena u carinski postupak samo ako se na graničnom prijelazu iz člana 2. ove odluke može obaviti i određena inspeksijska kontrola (fitosanitarna, tržišna, sanitarna) kojoj ta roba, u zavisnosti od njene vrste i namjene, podliježe pri stavljanju u slobodan promet.

(3) Za carinski postupak ne može biti prijavljena roba iz stava (1) ovog člana:

- koja je predmet carinske povlastice iz člana 176. Zakona o carinskoj politici Bosne i Hercegovine i
- u slučajevima kada se na istom jedinstvenom prijevoznom sredstvu nalazi više od tri vrste robe iz stava (1) ovog člana ili se pored te robe nalazi i druga roba.

GLAVA II - PRIJAVLJIVANJE ROBE ZA CARINSKI POSTUPAK

Član 4. (Carinska prijava)

(1) Za stavljanje robe iz člana 3. ovog uputstva u carinski postupak podnosi se carinska prijava IM 4 (u daljnjem tekstu: carinska prijava), sa šifrom postupka 4000 u polju 37 prijave, popunjena u skladu sa propisima kojima je regulirano pitanje popunjavanja carinskih prijava.

(2) Ako se za carinski postupak po jednoj carinskoj prijavi prijavljuje više različitih vrsta roba iz člana 3. ovog uputstva (i to najviše tri vrste roba), uz carinsku prijavu se podnosi i dodatni BIS obrazac.

(3) Kada istovremeno na više prijevoznih sredstava, od istog pošiljaoca za istog primaoca stiže više pošiljki sa istom robom iz člana 3. ove odluke (roba iz iste tarifne oznake), radi bržeg i ekonomičnijeg obavljanja carinskog postupka, može se podnijeti jedna carinska prijava sa zbirnim podacima. U tom slučaju, uz ostalu dokumentaciju, deklarant podnosi i specifikaciju koja treba da sadrži: broj i datum specifikacije, podatke o datumu, broju i iznosima faktura, o prijevoznim sredstvima (registarski broj i vučnog vozila i prikolice, zajedno sa zemljom vučnog vozila), te ovjeru i potpis deklaranta. U polju 18 i 21 carinske prijave upisuje se riječ "specifikacija", a u polju 44, odvojeno kosim crtama, upisuje se riječ "specifikacija", te njen broj i datum.

Član 5. (Postupak po carinskoj prijavi)

(1) Prijem i prihvatanje carinske prijave iz člana 4. ovog uputstva i provođenje carinskog postupka po istoj (pregled carinske prijave i uz nju priloženih dokumenata, svrstavanje robe po Carinskoj tarifi Bosne i Hercegovine, utvrđivanje porijekla robe, carinske vrijednosti i drugih podataka od kojih zavisi obračun i naplata indirektnih poreza) i primjena mjera trgovinske politike, mogu obavljati samo šef carinskog referata na graničnom prijelazu i vođa smjene, osim što pregled robe i druge radnje u vezi carinskog postupka mogu obavljati i carinski službenici koji su u organizaciji rada raspoređeni za te poslove.

(2) U provođenju carinskog postupka nema selektiviteta, nego roba, carinske prijave i priložena dokumenta u tom postupku podliježu carinskoj kontroli.

(3) U pogledu ostalih pitanja koja se odnose na provođenje carinskog postupka primjenjuju se pravila i propisi kojima je uređen carinski postupak puštanja robe u slobodan promet.

Član 6. (Tehnički uslovi)

Sektor za informacione tehnologije će, u saradnji sa carinskim referatima iz člana 2. ovog uputstva i regionalnim centrima kojem ti referati organizaciono pripadaju, obezbijediti tehničke uslove za obradu carinske prijave u informacionom sistemu ASCYUDA i bazu podataka o tim prijavama i na serveru u Središnjem uredu Uprave za indirektno oporezivanje.

GLAVA III - ZAVRŠNE ODREDBE**Član 7.
(Prestanak važenja ranijih propisa)**

Danom stupanja na snagu ovog uputstva prestaju da važe Uputa biše Carinske uprave Federacije BiH o provođenju carinske procedure stavljanja određenih roba u slobodan promet na graničnom prijelazu od 08.10.2003. godine, Odluka bivše Republičke uprave carina Republike Srpske o provođenju pojednostavljene procedure stavljanja robe u slobodan promet na graničnim prijelazima u Republici Srpskoj, broj: 01-483-1028-12/03 od 31.12.2003. godine i druga akta bivših carinskih uprava u BiH i Carinske službe Brčko Distrikta koja se odnose na pitanja koja su predmet reguliranja ovim uputstvom.

**Član 8.
(Stupanje na snagu)**

Ovo uputstvo stupa na snagu osmog dana od dana objavljivanja u "Službenom glasniku Bosne i Hercegovine".

Broj: 01- 02-5248/06
Datum: 14.11.2006. godine

DIREKTOR
Kemal Čaušević